

四庫全書

史部

欽定四庫全書

史部

御批歷代通鑑輯覽卷二十三

詳校官侍講臣王燕緒

編修臣裴謙覆勘

總校官進士臣程嘉謨

校對官編修臣蔡廷衡

謄錄監生臣蔡紹武

欽定四庫全書

御批歷代通鑑輯覽卷二十三

後漢

肅宗孝章皇帝

甲申 元和元年夏六月詔議貢舉法

陳事者多言郡國貢舉率非功次故守職益懈而吏

事寔疎咎在州郡有詔下公卿朝臣議大鴻臚韋彪

字孟達平陵人賢之元孫上議畧曰夫欲以簡賢為務賢以孝行為首是以求忠臣必于孝子之門

夫人才行少能相兼是以孟公綽優于趙魏老不可
以為膝薛大夫忠孝之人持心近厚鍛鍊之吏持心
近薄士宜以才行為先不可純以閭閻然其要歸于
選二千石二十石賢則貢舉皆得其人矣魁又上疏
言天下樞要在於尚書而間者多從郎官起升此位
雖晚習文法長于應對然察察小慧類無大能宜鑒
喬夫捷給之對深帝納之思絳侯木訥之功

秋七月詔禁治獄慘酷者

八月帝南巡

詔所經道上州縣毋得設儲峙命司空自將徒吏拄
橋梁有遣使奉迎探知起居二千石當坐

冬十月至宛以朱暉

字文季南陽宛人

為尚書僕射

九月幸章陵十月進幸江陵還幸宛召前臨淮太守

宛人朱暉拜尚書僕射暉在臨淮有善政民歌之曰

彊直自遂南陽朱季吏畏其威民懷其惠時坐法免

家居故上召而用之

後尚書張林上言縣官經用不足宜自煮鹽修均輸法暉固執

以為不可曰王制天子不言有無諸侯不言多寡食祿之家不得與百姓爭利均輸之法與賈販無異鹽利歸官則下民窮怨誠非明主所宜行帝怒切責諸尚書暉等皆自繫獄三日詔勅出之暉固稱病篤不肯復署議尚書令以下惶怖謂暉曰今臨得譴讓奈何稱病暉曰行年八十蒙恩得在機密當以死報若

心知不可而順旨雷同負臣子之義遂閉口不復言
諸尚書並劾奏暉帝寢其事詔直事郎問暉起居太
醫視疾太官賜
食暉乃起謝

十一月還宮

以孔僖為蘭臺令史

秩六百石掌奏
及印工文書

魯國孔僖

字仲和

涿郡崔駰

字序伯

同遊太學相與論武

帝始崇聖道號勝文景及後恣已忘其前善鄰房生

上書告駰僖誹謗先帝譏刺當世事下有司駰詣吏

受訊僖以書自訟

累曰凡言誹謗者謂實無此事而
加虛誣之也至如孝武皇帝政之

美惡顯在漢史是為直說書傳實事非虛謗也陛下
即位以來政教未過德澤有加臣等獨何譏刺哉假
使所非實是則固應悔改曠
其不當亦宜含容又何罪焉
書奏詔勿問拜僖蘭臺

令史

賜毛義

字少卿廬江人

鄭均

字仲虞東平任城人

穀各千斛

廬江毛義東平鄭均皆以行義稱于鄉里帝下詔褒

美賜義均穀各千斛常以八月長吏存問賜羊酒

均

為縣吏頗受禮遺均諫不聽乃脫身為傭庶餘得錢
帛歸以與兄曰物盡可復得為吏坐賊終身捐棄兄
慮其言遂為廉潔均仕為尚書屯歸後帝東巡過任
城幸均舍勅賜尚書祿以終其身時號為白衣尚書

南陽張奉慕義名往候之生定而府檄適至以義守
安邑令義捧檄而入喜動顏色奉心賤之辭去後義
母死徵辟皆不至奉乃歎曰賢者固不可測往日之
喜乃為親屈也安邑東觀漢記作安陽今從范書

詔除妖惡禁銅者

詔曰往者妖言大獄所及廣遠一人犯罪禁至三屬
如有賢才沒齒無用朕甚憐之諸以前妖惡禁銅者
皆蠲除之

乙酉二年春正月詔賜民胎養穀戒俗吏矯飾者

詔曰諸懷姙者賜胎養穀人三斛復其夫勿算一歲

霸權宜之術非王道也戒俗吏矯飾足矣天下之大凡戶皆子以胎養穀三斛何以為繼孟子盡信書則不如無書之言蓋之矣

著為令又詔三公曰俗吏矯飾外貌似是而非揆之

人事則悅耳論之陰陽則傷化朕甚厭之甚苦之安

靜之吏悃悃無華日計不足月計有餘如襄城

注見前

令劉方

字伯况平原人

吏民同聲謂之不煩雖未有他異斯

亦殆近之矣夫以苛為察以刻為明以輕為德以重

為威四者或興則下有怨心吾詔書數下冠蓋接道

而吏不加理人或失職其咎安在勉思舊令稱朕意

焉

行四分歷

太初歷施行百餘年歷稍後天

謂七曜之行在歷家所推步躔次之前晦

朔望不合也

上命治歷編訢

人名

李梵等綜校其狀作四

分歷施行之

二月帝東巡

耕于定陶幸泰山柴告岱宗進幸奉高

注見前

宗祀五

帝于汶上明堂

注亦見前

赦天下

帝之為太子也受尚書于東郡太守汝南張酺

帝幸東郡引酺及門生掾史會庭中先備弟子之禮使酺講尚書一篇然後修君臣之禮張酺字孟侯

汝南細
陽人

三月至魯祠孔子

帝祠孔子及七十二弟子于闕里作六代之樂

大會孔氏

男子六十二人謂孔僖曰今日之會寧于御家有光榮乎對曰臣聞明王聖主莫不尊師貴道今陛下親屈萬乘辱臨敝里此乃崇禮先師增輝聖德非臣家之私榮也帝曰非聖者子孫焉有斯言乎拜僖郎中

至東平祠獻王陵

今泰安府東平州東北峴山上有後漢東平獻王冢

帝至東平追念獻王謂其諸子曰思其人至其鄉其處在其人亡因泣下霑襟遂幸獻王陵祠以太牢獻

王

之歸國也驃騎府吏丁收周栩以王愛賢下士不忍去遂為王家大夫數十年事祖及孫帝聞之皆引見雅為議郎 事祖及孫時獻王
子懷王忠已卒忠子敞嗣王

夏四月還宮

秋七月詔定律毋以十一月十二月報囚

謂立春陽氣至可以施生

故不論囚也

丙戌三年春正月詔嬰兒無父母親屬及有子不能養食

者稟給如律

律本有此條今舉行之也

帝北巡三月還宮

帝耕于懷勅侍御史司空曰方春所過無得有所伐
殺車可以引避引避之駢馬可輟解輟解之進幸中
山還幸元氏復幸趙賜從行者各有差

夏四月收太尉鄭弘印綬

弘于元和年為太尉

弘自繫獄出之

卒以宋由

字叔路長安人

為太尉

綱目凡例三公策拜卒免安帝以後因事乃書今于章帝

時即依此例其事無足錄者皆不具書

弘數陳竇憲權勢太盛言甚切至憲因奏弘泄漏密

事

憲黨張林楊光貪殘弘奏之史與光舊因以告光

帝責讓弘收印綬弘自

詣廷尉詔勅出之因乞骸骨尋卒

弘病篤復上書極言憲姦惡當誅帝

省章遣醫視病比至已卒

司空倫罷以袁安為司空

第五倫以老病乞身賜策罷以二千石俸終其身

倫奉

倫此言直令人
曾飯而史氏方
以為誠直呵亦
奇矣

公盡節言事無所依違性質慤少文采在位以貞白
稱或問倫曰公有私乎對曰昔人有與吾千里馬者
吾雖不受每三公有所選舉心不能忘而亦終不用
也吾兄子病一夜十往退而安寢吾子有病雖不省
視而竟夕不眠若是
者豈可謂無私乎

疏勸王忠詐降班超斬之

超詐降與傳
介子誘斬樓蘭

其蹟相類然彼
猶失信此乃燭
奸竇謂勝之

先是超發疏勒于寘兵擊莎車莎車以賂誘疏勒王
忠忠遂反從之西保烏即城超乃更立其府丞成大
為疏勒王悉發其不反者以攻忠使人說康居王執
忠以歸其國烏即城遂降至是忠說康居王借兵還
據楨中疏勒地名密與龜茲謀遣使詐降于超超知其姦
縛忠斬之因擊破其衆南道遂通

詔侍中曹褒

字叔通魯國薛人

定漢禮

博士曹褒上疏以為宜定文制著成漢禮班固以為

宜廣集諸儒共議得失帝曰諺言作舍道旁三年不成會禮之家名為聚訟互生疑異筆不能下昔堯作

大章一夔足矣

見呂氏春秋

乃拜褒侍中授以叔孫通漢

儀十二篇曰此制散畧多不合經今宜依禮條正使可施行褒乃依準舊典雜以五經識記之文撰次天子至于庶人冠婚吉凶終始制度凡百五十篇奏之帝以衆論難一故但納之不復令有司平奏

丁亥章和元年

以嘉瑞歷見改元

夏六月以袁安為司徒

桓虞代

桓虞字仲任隗字仲和為司空
春馮翊人

隗清靜寡欲帝素稱其行及是拜司空以沈正見重

于時

秋七月護羌校尉張紆擊羌斬其帥迷吾名豪

先是燒當羌迷吾及其弟號吾寇隴西郡督烽掾李

章追獲之號吾曰誠得生歸必悉罷兵不復犯塞太

守張紆遣之羌即解散各歸故地迷吾退居河北歸

義城已而護羌校尉傳育北地人募人關諸羌胡募人

諸羌使羌胡不肯遂叛出塞更依迷吾育發諸郡兵

之自關

數萬人共擊羌未及會育獨進軍迷吾襲擊大破之

殺育及吏士八百餘人會諸郡兵到羌遂引去詔以

張紆為校尉將萬人屯臨羌

漢縣故城在今西寧府西寧縣

迷吾復

與諸種寇金城塞紆遣從事司馬防與戰迷吾敗走

欲降紆納之迷吾率眾至臨羌紆設兵大會施毒酒

中伏兵殺其酋豪八百餘人斬迷吾頭以祭傅育冢

復放兵擊其餘眾斬獲數千人

迷吾子迷唐與諸種解仇結婚交臂城大

小榆谷以叛張紆不能制
榆谷在今蘭州府河州西

八月乙未晦日食

北匈奴五十八部來降

北匈奴衰耗黨衆離叛南部攻其前丁零寇其後鮮

卑擊其左西域侵其右不復自立乃遠引而去

南單于與

戰于涿邪山斬獲而還

至是鮮卑復大破之斬優留單于北庭

大亂于是屈蘭儲等五十八部

口二十萬勝兵八千人

詣雲中

五原朔方北地降

班超發諸國兵擊莎車降之

超發于寘諸國兵二萬人擊莎車龜茲王發溫宿等兵合五萬人救之超曰今兵少不敵可各散去須夜

鼓聲而發陰緩所得生口

使生口得歸言超兵將散去

龜茲王聞

之大喜自以萬騎于西界追超溫宿王將八千騎于

東界徼于寘超知二虜已出密召諸部勒兵鷄鳴馳

赴莎車營胡大驚亂奔走追斬五千餘級莎車遂降

龜茲等因各退散自是威震西域

戊子 二年春正月濟南王康中山王焉來朝

上篤于親親故二王入朝特加恩寵及諸昆弟不遣

就國賞賜過度倉帑為虛

太尉掾何敞奏記宋由請勅諸王就國節省浮費由

不能用何敞字文高平陵人

尚書宋意

字伯志均族子

上疏曰陛下隆寵

諸王禮敬過度春秋之義諸父昆弟無所不臣所以

尊尊卑卑彊幹弱枝者也西平王羨等久磐京邑驕

奢僭擬損上下之序失君臣之正宜割情不忍以義

斷恩發遣歸藩以塞衆望

帝崩

年三十一遺詔無起寢廟一如先帝法制

太子肇即位

年十歲是為孝和帝

尊皇后曰皇太后

三月葬敬陵

在河南府洛陽東南

史臣曰章帝素知人厭苛切事從寬厚平徭簡賦民賴其慶嗚呼懋哉

太后臨朝

竇憲以侍中內幹機密出宣詔命弟篤為虎賁中郎

將篤弟景瓌並為中常侍兄弟皆在親要之地

崔朋以書

戒憲曰傳曰生而富者驕生而貴者傲生富貴而能不驕傲者未之有也昔馮野王稱為賢臣近陰衛尉克已復禮終受多福外戚所以獲譏于時垂憊于後者蓋在滿而不挹位有餘而仁不足漢興外家二十保族全身四人而已書曰鑒于有殷可不慎哉

以鄧彪

字智伯高之宗

為太傅錄尚書事百官總已以聽

竇憲以彪有義讓

彪父即中興初有功封鄧鄉侯即卒彪讓國于異母弟

先帝

所敬

建初中彪拜太尉元和初乞罷詔給二千石奉歲時存問

而仁厚委隨故尊

崇之其所施為輒外令彪奏內白太后事無不從彪

在位修身而已不能有所匡正

憲性果急睚眦之怨莫不報復以韓紆嘗

勅父勲獄令客斬紆子以首祭勲冢

諸王始就國

夏四月以遺詔罷鹽鐵之禁

五月京師旱

冬十月侍中竇憲殺都鄉侯暢

齊瑒王石之子石武王續孫

太后以

憲為車騎將軍使北擊匈奴以贖罪

都鄉侯暢來弔國憂太后數召見之竇憲懼暢分宮

不問匈奴應擊與否但以憲請

贈罪即令行師
此舉實為無名

省之權遣刺客殺暢于屯衛中而歸罪于暢弟剛使

侍御史與青州刺史雜考剛等

尚書韓稜以為賊在京師不宜捨近問遠

恐為奸臣所笑太后怒切責稜稜固執其議韓稜字伯師潁川舞陽人太尉掾何敞請

獨奏案之

敞說宋由曰暢宗室肺腑茅土藩臣來帛大憂上書須報親在武衛致此殘酷奉憲

之吏莫適討捕蹤跡不顯主名不立敞數備股肱職典賊曹欲親至發所以糾其變而二府執事以為三

公不與賊盜公縱姦慝莫以為二府司徒司聞敞行

皆遣主者主知賊盜之曹隨之于是推舉具得事實太后怒

閉憲于內宮先是南單于上言請伐北匈奴時北匈奴饑亂

降南部者歲數十人南單于上言宜出兵討伐破北
成南令漢家長無北念太后以示耿秉秉言可討太
后欲從之尚書宋
意上書諫不報
及是憲懼誅因自求擊匈奴以贖

死乃以憲為車騎將軍執金吾耿秉為副發兵北伐
以鄧訓為護羌校尉擊迷唐破之諸羌來降

公卿舉鄧訓代張紆迷唐率兵萬騎來至塞下未敢

攻訓先脅小月氏胡訓擁衛胡令不得戰

戰者威以
羌胡相攻

縣官之利不宜禁獲訓曰張紆失信衆羌
大動今因其迫急以德懷之庶能自用

開城悉驅

羣胡妻子內之嚴兵守衛羌即解去

漢中諸胡皆言
漢家常欲闢我

曹令郭使君待我以恩信乃是得父訓遂賞賂諸羌母也咸歡喜叩頭曰唯使君所命

使相招誘迷唐叔父號吾將其種人八百戶來降訓

因發秦胡羌兵掩擊迷唐破之迷唐乃去大小榆泉

悉離散

明年春迷唐欲復歸故地訓發湟中六千人趙單船置單上渡河掩擊大破之一種殆盡

迷唐收餘衆西徙千餘里燒當
豪帥稽顙歸死餘皆款塞納質

孝和皇帝

丑巳永元元年春下尚書僕射邳壽字伯孝吏壽自殺

竇憲嘗使門生齎書詣尚書僕射邳壽有所請託壽

送詔獄上書陳憲驕恣引王莽以誡國家又因朝會厲音正色譏憲等以伐匈奴起第宅事憲怒陷壽以

買公田誹謗下吏當誅侍御史何敞上疏言之

疏曰壽幾

密近臣巨欸為職若默懷不言其罪當誅今壽違衆正議以安宗廟宜其私邪忠臣盡言以死為歸臣誠不欲聖朝行誹謗之殊書奏壽得減死徙合浦未行以杜塞忠直坐職無窮

自殺

時竇憲將行公卿詣朝堂上書諫以為匈奴不犯邊塞而無故勞師遠涉損費國用徼功萬里

非社稷之計者連上輒寢寐由諸卿稿自引止唯袁安任隗免冠固爭前後十上衆皆危懼安隗正色自若侍御史魯恭上疏曰萬民者天之所生天愛其所生猶父母愛其子一物有不得其所者則天氣為之

舛錯況于人乎今匈奴遠藏去塞數千里而欲乘其
虛耗利其微弱是非義之所出也書奏不省魯恭

字仲康

平陵人

夏六月竇憲擊北匈奴大破之登燕然山

注見前

刻石勒

功而還

竇憲耿秉出朔方塞

南單于出滿夷谷度遼將軍鄧鴻出稠陽塞皆會涿邪山

與

北單于戰于稽落山

在漠北胡三省注唐置稽落州蓋因山以名

大破之

單于遁走斬獲甚衆降二十餘萬人出塞三千餘里

登燕然山命中護軍班固刻石勒功紀漢威德而還

憲又遣司馬吳紀奉金帛遺北單于于西海上以詔致賜單于稽首拜受遣其弟右溫禺鞬王奉貢入侍憲以單于不自身到奏還其侍弟

秋九月以竇憲為大將軍

封憲武陽

胡三省注郡國志泰山郡有南武陽侯國憲蓋封此南武陽故城在今山東沂州府

費侯食邑二萬戶憲固辭封爵詔許之舊大將軍位

在三公下至是詔憲位在太傅下三公上

竇氏兄弟驕縱而景

尤甚奴客奪人財貨篡取罪人妻略婦女擅發緣邊突騎袁安勸景不報瑗獨好經書節約自修何敞上封事曰伏見大將軍憲兄弟專朝虛用百姓奢侈偕偏誅戮無罪臣誠不欲上今太后損文母之號陛下

有誓泉之譏下使憲等得良保其福佑駙馬都尉璜
比請還身願抑家權可與參謀聽順其意誠宗廟至
計竇氏之福時濟南王康尊貴驕甚憲乃白出敬為
濟南太傅康有違失敬輒誅爭康雖不能從然素敬
重敬無所嫌悟焉

大水

郡國凡九

庚寅二年春二月壬午日食

東觀記史官不覺潏郡言之

月氏遣使貢獻

初月氏求尚公主班超拒還其使由是怨恨遣其副

王謝將兵七萬攻超

超衆少皆大恐超曰月氏兵雖多然數千里踰蔥嶺來非有運

輸何足憂邪但當收穀堅守使
饑窮自降不過數十日決矣

不下抄掠無所得超

度其必從龜茲求食乃遣兵數百于東界要之謝果
遣騎賂龜茲伏兵遮擊盡殺之持其首示謝謝大驚
請罪由是歲奉貢獻

秋七月竇憲出屯涼州

辛卯 三年春正月帝冠

始用曹褒新禮擢褒監羽林左騎

二月竇憲遣兵擊北匈奴于金微山

在漠北車懷注去
朔方五千餘里

大破之單于走死

先是北單于遣使款塞欲入朝見憲遣班固迎之會

南單于求滅北庭憲復遣中郎將耿譚將騎出塞襲

擊北單于單于被創僅而得免

事在二年

至是憲以北匈

奴微弱欲遂滅之遣左校尉耿夔

字定公東之弟

圍北單于

金微山大破之獲其母閼氏名王以下五千餘級單

于逃走不知所在出塞五千餘里而還自漢出師所

未嘗至也

憲又遣兵擊北匈奴之守伊吾者復取其地車師震懼前後王各遣子入侍

竇憲殺尚書僕射樂恢

字伯奇京兆長陵人

竇憲以耿夔任尚為爪牙鄧疊郭璜為心腹班固傳

殺

字武仲茂陵人

典文章刺史守令多出其門賦歛吏民共

為賂遺袁安任隗舉奏諸二千石并所連及貶秩免

官四十餘人竇氏大恨以安隗素行高未有以害也

尚書僕射樂恢上疏曰陛下富于春秋纂承大業諸

舅不宜幹正王室示天下之私若上能以義自割下

能以謙自引則四舅可保爵土之榮而皇太后永無

慙負宗廟之憂矣書奏不省恢乞骸骨歸憲風州郡

迫脅恢飲藥死

于是朝臣震懼無敢違者袁安以天子幼弱外戚擅權每朝會進見及與

公卿言國家事未嘗不喑鳴流涕自天子及大臣皆恃賴之

冬十月帝如長安竇憲來會

帝幸長安詔憲與車駕會憲至尚書以下議欲拜之

伏稱萬歲尚書韓稜正色曰夫上交不諂下交不黷

禮無人臣稱萬歲之制議者皆慙而止

尚書左丞王龍私奏記上

牛酒于憲稜舉奏論為城旦

以班超為西域都護

龜茲姑墨溫宿諸國皆降復置西域都護騎都尉戊
己校尉官以班超為都護徐幹為長史

十二月帝還宮

壬辰四年春正月立北匈奴於除鞬為單于

初北單于既亡其弟於除鞬自立遣使款塞竇憲請
立為單于置中郎將領護如南單于故事事下公卿
議宋由等以為可許袁安任隗以為光武招懷南虜

非謂可永安內地正以權時之算可得扞禦北狄故也今宜令南單于反北庭領降衆無緣復更立於除鞬以增國費事奏未以時定安懼憲計遂行又獨上

封事言之

略曰南單于屯北父舉衆歸德四十餘年屯又首倡犬謀空盡北虜今更立新降是

失信所養建立無功况烏桓解單新殺北單于今立其弟豈不懷怨詔下其議安與憲

更相難折憲負勢驕許至詆毀安稱光武誅韓歆戴

涉故事

事俱見前

安終不移然上竟從憲策

初廬江周榮辟袁安府安

舉袁憲景及爭立北單于事皆榮所具策袁氏家舊榮曰袁氏憚士刺客滿城中謹備之矣榮曰榮江淮

孤生得備宰士縱為所害誠所甘心因執妻子若
年遇飛禍無得瑣陰冀以區區厲身覺悟朝廷

三月司徒安卒以丁鴻為司徒

安卒朝野咸為痛惜後數月竇氏竟敗

夏六月戊戌朔日食

丁鴻上疏曰昔諸呂擅權統嗣幾移哀平之間廟不
血食今大將軍雖欲勅身自約然而天下遠近皆惶
怖承旨背王室向私門人道悖于下效驗見于天去
事之徵未然之明鏡也夫天不可以不剛不剛則三

光不明王不可以不彊不彊則宰牧縱橫宜因大變
改正匡失以塞天意

地震

郡國凡十三

旱蝗

大將軍竇憲伏誅

竇氏父子兄弟並為御校充滿朝廷鄧疊及弟磊母
元與憲婿郭舉舉父璜共相交結舉得幸太后遂謀
為逆帝知其謀而外臣莫由親接以鉤盾令

典諸近
池苑園

遊觀之處宦者為之鄭衆南陽謹敏有心幾不事豪黨遂與定

議誅憲會憲自涼州還京師帝將發其謀使清河王

慶私從千乘王伉帝長兄也求得外戚傳韋懷注前書外戚傳也夜

獨內之又令慶傳語鄭衆求索故事謂文帝誅竇嬰故

事明日幸北宮詔執金吾五校尉兵屯衛南北宮閉

城門捕璜舉疊磊誅之收憲大將軍印綬更封冠軍

侯與篤景璠皆就國選嚴能相迫令自殺初張璠為河南尹數

以正法繩果及竇氏敗脯上疏曰方憲等寵貴羣臣
阿附唯恐不及今嚴威既行皆言當死不復顧其前

後伏見陽夏侯璩每存忠善未嘗犯法宜加賞宥以崇厚德帝感其言由是璩獨得全實氏宗族賓客皆免歸故郡初班固奴醉罵洛陽令至是令收捕固死獄中固嘗著漢書未就詔固女弟曹壽妻昭踵成之以宦者鄭衆為大長秋

帝策勲班賞衆每辭多就寡帝由是賢之常與議事中官用權自此始

秋七月太尉由以罪策免自殺

以黨于竇氏也

八月司空隗卒以尹睦

河南人

為太尉錄尚書事劉方

前即

襄城
今為司空

初議立北單于惟宗正劉方大司農尹睦同袁安任
隗議及竇氏敗帝追思前議故策免宋由會隗病卒

以睦為太尉方為司空鄧彪以老病上還樞機職詔

以睦代之

睦尋卒于位方後
坐事免歸自殺

護羌校尉鄧訓卒迷唐復反

鄧訓卒吏民羌胡旦夕臨者日數千人前烏桓吏士

訓前任烏
桓校尉

皆犇走道路至空城郭吏執不聽以狀白

鄧訓得詣部心
由張紆失信之
後能以恩威服
衆也蕭尚書事
招徠適以示弱
以致迷唐復叛

以姑息為禦外
夷良計者亦可
以鑒矣

校尉徐僞僞歎曰此為義也乃釋之遂家家為訓立

祠聶尚

蜀郡太守

代訓為校尉欲以恩懷諸羌乃招迷唐

使還居大小榆谷

迷唐遣祖母詣尚尚自迷唐遂與

諸種屠譯

屠其譯使也

以盟復寇金城塞尚坐免

明年校尉荀友

攻迷唐于大小榆谷夾迷留大河築城鳴作大航造

河橋欲以渡兵迷唐遠徙依賜支河曲至永元八年

更充代爰為校尉遂發湟中羌胡出塞而迷唐迎擊

充兵殺數百人九年充坐徵是秋迷唐復率眾寇隴

西詔遣征西將軍劉尚等將兵討之迷唐懼棄老弱

奔入臨洮南尚等追至高山大破之迷唐引去不能

復追十年劉尚坐畏懦免竭者耿譚設購賈諸種頗

來附迷唐恐乃降詣關貢獻迷留大河胡三省注

即黃河也河水至此有逕留之名賜支即禹貢析支地理今釋在陝西河州西河曲司馬彪曰河水屈而東北逕析支之地是為河曲矣臨洮注見前

癸巳五年春二月隴西地震

秋九月北單于叛遣兵追斬滅之

於除鞬聞竇憲誅自遁還北詔討斬之破滅其衆先是耿夔既破北匈奴鮮卑遂徙據其地至是匈奴餘種十餘萬落皆自號鮮卑鮮卑由此漸盛

以張輔為太尉

輔與尚書張敏

字伯達河間鄭人

等奏曹褒制漢禮亂聖術

宜加刑誅帝寢其奏而漢禮遂不行

甲午六年春正月使匈奴中郎將杜崇等殺南單于安國

立左賢王師子為單于

單于屯屠何死弟安國立

安國初為左賢王無稱譽及為單于單于適之子左

谷蠡王師子以次轉為左賢王師子素勇略多智數將兵擊北庭受賞賜國中盡敬師子而不附安國安國欲殺之與諸新降胡同謀誅師子覺其謀乃別居五原界安國與中郎將杜崇

不相平乃上書告崇崇斷其章因與度遠將軍朱徽

上言安國親近新降欲殺左賢王世子起兵背叛下公

卿議皆以為宜遣有方畧使者之單于庭與崇徽并力責其部衆為邊害者共平罪誅若不從命令

為權時方畧亦足以示百蠻帝從之于是徽崇遂發兵造其庭安

國奔走舉兵欲誅師子師子先知乃悉將廬落入曼

栢城後漢縣屬五原郡地在今天安喇忒黃河北安國追到城下門閉不得

入乃引兵屯五原崇徽因發諸部騎追赴之安國舅

喜為等恐并誅乃殺安國而立師子師子既立諸胡不服北匈奴降

者夜襲師子脅立前單于也屠河子達侯為單于叛走出塞詔遣將軍鄧鴻等擊之遂復遠遁漢兵不能

追而還明年鴻坐廷過失利朱藏杜崇
坐失期初致詞反皆殺下獄死

秋京師旱

班超發八國兵討焉耆斬其王廣

初龜茲諸國既降焉耆猶懷二心至是討之斬廣及

尉犂王汎于陳睦故城傳首京師更立元孟為焉耆

王于是西域五十餘國悉納質內屬至于海濱四萬

里外皆重譯貢獻

封班超為定遠侯邑千戶

以陳寵為廷尉

寵性仁矜數議疑獄每附經典務從寬恕

乙未七年夏四月辛亥朔日食

秋七月易陽

漢縣故城在今直隸廣平府永年縣

地裂

九月京師地震

丙申八年春二月立貴人陰氏為皇后

識之曾孫也

夏蝗

河內陳留

丁酉九年春三月隴西地震

夏六月京師旱蝗

詔除田租及山澤稅

秋閏八月皇太后竇氏崩

諡章德合葬敬陵

初梁貴人既死宮省事秘莫有知帝為梁氏出者至是舞陰公主子梁扈奏記三府太尉張酺言狀帝感

慟良久會貴人姊

樊嫺妻愬

上書自訟乃知貴人寃歿之

狀三公奏請貶竇太后尊號不宜合葬先帝帝手詔臣子無貶尊上之文其勿復議

追尊梁貴人為恭懷皇太后葬西陵

封梁竦子三人為侯

崇為樂平侯雍為乘氏侯翟為單父侯

位皆特進

梁氏自此盛

清河王慶始敗求上母宋貴人冢帝許之並招宋氏悉歸京師除慶舅皆為郎

戊戌十年夏五月京師大水

冬十月雨水凡五州

十二月以劉愷

字伯豫為郎

初居巢

注見前

侯劉般

字伯興宣帝元孫

薨子愷當嗣稱父遺

意讓其弟憲適逃十餘年有司奏請絕其國賈逵上

書曰孔子稱能以禮讓為國乎何有有司不原樂善

之心而繩以循常之法非所以長克讓之風成含宏之化也詔聽憲嗣爵徵愷為郎

己亥十一年春二月遣使循行廩貸

令郡國被災害不能自存者得漁采山林池澤不收假稅尋又詔曰吏民踰僭是以舊令制之節度頃者貴戚近親莫肯率從有司不舉急救日甚竒巧靡貸流積公行在位犯者當先舉正申明憲綱

庚子十二年夏四月秭歸

後漢縣今湖北
宜昌府歸州是山崩

秋七月辛亥朔日食

辛十三年春正月帝幸東觀

漢聚書之所

帝覽書林閱篇籍召見諸儒魯丕

字叔陵恭之弟

賈逵黃香

字文彊江陵安陸人京師號曰天下無雙江夏黃重

等相難數事帝善丕說

特賜衣冠丕因上疏曰說經者傳先師之言非從已

出若規矩權衡之不可枉也難者必明其據說者務

立其義浮華無用之言不陳于前故精思不勞而道

術愈章法異者各令自說師法博觀其義無令幽遠

獨有遺失也

迷唐復叛寇金城郡兵擊破之

初迷唐既入朝

事具前

其餘種人不滿二千饑窘不立

帝令還大小榆谷迷唐以故地不可復居辭不肯出

校尉吳祉等促使出塞迷唐復叛寇鈔而去

吳祉等皆坐微

至是迷唐復還賜支河曲將兵向塞金城太守侯霸

等擊之種人瓦解迷唐遂弱遠踰賜支河首依發羌

羌之別種

居久之病死其子來降

冬詔邊郡舉孝廉

詔曰幽并涼州戶口率少邊役衆劇束脩良吏進仕
路狹撫接夷狄以人為本令緣邊郡口十萬以上歲
舉孝廉一人不滿十萬二歲一人五萬以下三歲一
人

以魯恭為司徒

初恭為中牟令專以德化為理不任刑罰

時郡國螟
傷稼獨不

入中牟河南尹袁安聞之疑其不實使掾往廉之恭
隨行阡陌有雉飛止傍有兒童掾曰兒何不捕雉兒

循良自責實政
飛蝗越境兒童

不捕離雖未免
誇誕失真與虎
北渡河何異耶

曰雅方難據瞿然起曰所以來者欲察君政今歲不
化境一異也化及鳥獸二異也童子有仁心三異也
遂還府白安妥因徵拜侍御史累遷光祿勳選舉清
上書言狀帝異之

平貴戚不能枉其正至是為司徒

十六年
七月免

壬寅

十四年春安定羌反郡兵擊滅之復置西海郡

安定降羌燒何種反郡兵擊滅之自是西海及大小

榆谷左右無復羌寇隃麋

後漢侯國故城在今鳳翔府汧陽縣相曹鳳

上言燒何種居大小榆谷土地肥美有西海魚鹽之
利阻大河以為固又近塞內諸種故犯法者常從此

起宜及此時建復西海郡縣規固二榆廣設屯田隔塞羌胡交關之路遏絕狂狡窺欲之源又殖穀富邊省委輸之役國家可以無西方之憂上從之乃繕修故西海郡拜鳳為金城西部都尉戍之

後增廣屯田列屯夾河合

三十四部其功垂立會永初中詣羌叛乃罷

皇后陰氏廢死

陰皇后多妬忌寵遇寢衰數懷恚恨有言后與外祖鄧朱挾巫蠱道者后坐廢以憂死

朱考死獄中

大水

凡三

徵班超還京師

班超久在絕域

超自永平十六年出西域至凡三十一年

年老上書乞

歸

書言臣不敢望到酒泉郡但願生入玉門關

久之未報超妹曹大家

作

姑上書為超求哀帝感其言乃徵超還八月至雒陽

拜為射聲校尉

九月卒

超之被徵也任尚代為都尉謂超曰小人猥承君後任重慮淺宜有以誨

之超曰塞外吏士本非孝子順孫皆以罪過陞補邊屯而望夷懷鳥獸之心難養易敗今君性嚴急水清無大魚察政不得下和宜蕩佚簡易寬小過總大綱而已超去後尚私謂所親曰我以班君當有奇策今

所言平平耳尚俊
竟失邊和如題言

立貴人鄧氏為皇后

初鄧禹嘗謂人曰吾將百萬之衆未嘗妄殺一人後
世必有興者其子訓有女曰綏性孝友好書傳常畫
修婦業暮誦經典家人號曰諸生選入宮為貴人恭
肅小心動有法度承事陰后接撫同列常克已以下
之雖宮人隸役皆加恩恤帝深嘉焉嘗有疾帝特令其母兄弟入視
醫藥貴人辭曰宮禁至重而使外舍久在內省上令
陛下有私幸之譏下使職妄獲不知足之謗上下交

郡國貢獻本非
中書得預之事
今鄧后乃以禁
絕見稱足以規
漢家刑度矣

損誠不願也每有燕會諸姬親自修飾貴人獨尚質
素其衣有與陰后同色者即時解易若並時進見則
不敢正坐離立每有所問常逡巡後對帝及是立為
數失皇子貴人數選進才人以博帝意

皇后郡國貢獻悉令禁絕歲時但供紙墨而已帝每欲官

將鄧氏后輒哀請謙讓改后兄臨終
帝世不過中郎將鄧騭字昭伯

以徐防字揭卿沛國人為司空

防上疏以為漢立博士十有四家

漢官儀曰光武中興恢宏稽古易有

施孟梁邱賀京房書有歐陽和伯夏侯勝建詩有中
公賁固韓嬰春秋有嚴彭祖顏安樂禮有戴德戴聖

凡十四博士設甲乙之科前書歲舉甲科四十人為郎中
乙科二十人為太子舍人丙科

四十人為文學掌故以勉學者今太學試博士弟子皆以意說

不修家法不依章句妄生穿鑿輕侮道術寢以成俗
誠非詔書實選本意改薄從忠三代常道專精務本
儒學所先臣以為博士策試宜從其家章句開五十
難以試之解釋多者為上第引文明者為高說若不
依先師義有相伐皆正以為非上從之

封宦者鄭眾為鄴鄉

章懷注南陽郡棘陽有鄴鄉棘陽
故城在今河南南陽府新野縣

侯

宦者封侯自此始

癸卯十五年夏四月甲子晦日食

時帝遵肅宗故事兄弟皆留京師有司以日食陰盛奏遣諸王就國詔曰甲子之異責由一人諸王幼穉

早離顧復常有蓼莪

小雅詩篇

凱風

邶風詩篇

之哀選懦音軟

之恩知非國典且復宿留

宿光就反留力就反猶言停待也

秋九月雨水

凡四州

冬十月帝如章陵十一月還宮

幸章陵祠舊宅祠園廟會宗室于舊廬勞賜作樂進

幸雲夢臨漢水進幸江陵時太尉張禹

字伯達襄國人

留守

禹于十二年代張繡為太尉聞之以為不宜冒險遠遊驛馬上諫

詔報曰祠謁既訖當南禮大江今得君奏臨漢回輿

及還禹特蒙賞賜

詔大官勿受遠國珍羞

嶺南舊貢生龍眼

交州記樹高五六丈子似荔枝而小七月熟

荔枝

大桂樹

實如雞子至日禺中俞然俱赤食之甘而多汁十里一置

馬連日置

五里一候

司望

日晝夜傳送臨武

漢縣今屬湖南桂陽州

長唐羌

字伯游汝南人上書

曰臣聞上不以滋味為德下不以貢膳為功伏見交趾七郡獻生龍眼等鳥驚風發南州土地炎熱惡蟲猛獸不絕于路觸犯死亡不可勝數死者不可復生來者猶可救也詔曰遠國珍羞本以薦奉宗廟苟有傷害豈愛民之本其敕大官勿復受獻

甲辰十六年秋七月旱

乙巳元興元年冬十二月帝崩

年二十七

皇后迎子隆即位是為

孝
帝

初帝失皇子十數後生者輒隱秘養于民間羣臣無
知者及帝崩皇后乃收皇子于民間長子勝有痼疾
少子隆生始百餘日迎立以為太子即位

尊皇后曰皇太后太后臨朝

雒陽令王渙

字稚子廣
漢郡人

卒

渙居身平正能以明察發擿姦伏外猛內慈人皆悅
服至是卒官百姓莫不流涕為立祠作詩弦歌以祭

太后詔曰夫忠良之吏國家所以為治也求之甚勤得之至寡故洛陽令王渙秉清修之節盡心奉公務在惠民其以渙子石為郎中以勸勞勤

孝殤皇帝

丙午延平元年春正月以張禹為太傅徐防為太尉參錄尚書事

太后以帝在襁褓欲令重臣居禁內乃詔禹舍宮中五日一歸府每朝見特贊與三公絕席

封兄勝為平原王

三月葬愼陵

在洛陽東南

賀善臂日和帝早發英斷收攬權綱而又尊儒細誅動無大過惜乎始謀不遠權奸雖除宦豎用事逆為

東漢禍基之主

清河王慶就國特加殊禮

慶子祐年十三太后以帝幼弱遠慮不虞留祐與嫡

母耿姬居清河邸

姬况孫也

夏四月罷祠官不在禮典者

太后以鬼神難徵淫祀無福乃詔有司罷之

又詔赦建武以

來諸犯禁網者皆復為平人減大官導官尚方內署服御珍膳庶幾難成之物自非陵廟米不得導擇朝夕一肉飯而已即國所貢皆減過半斥賣上林廣犬離宮別館儲峙米炭悉令省之又詔免遺掖庭宮人及宗室之沒入者皆為庶民

以鄧騭為車騎將軍儀同三司

胡三省注三司三公也晉職官志儀同三司之

名始此

五月河東垣山

章懷注垣縣山也垣縣故城在今山西絳州垣曲縣

雨水詔實覈傷害除其田租

郡國三十七大水詔曰間者水災害稼朝廷憂懼而
郡國欲獲虛譽遂多張墾田競增戶口掩匿盜賊奸
惡無懲署用非次選舉乖宜貪苛慘毒延及平民刺
吏垂頭塞耳阿私下比不畏于天不愧于人自今以
後將糾其罰二千石長吏其各實覈所傷害為除田
租

秋八月帝崩

年二歲

太后迎清河王子祐入即位

是為孝安帝

太后猶臨朝

后與兄隲定策禁中迎祜拜長安侯立以為和帝嗣
詔檢勅鄧氏賓客

詔司隸校尉河南尹南陽太守曰每覽前代外戚賓
客濁亂奉公為民患苦咎在執法怠懈不輒行其罰
故也今宗門廣大姻戚不少賓客姦猾多干憲禁其
明加檢勅勿相容護自是親戚犯罪無所假貸

九月大水

凡六州

葬康陵

以連遭大水百姓苦役方中

陵中也

秘藏及諸工作減

十之九

隕石于陳留

冬十月大水雨雹

凡四州

清河王慶卒

清河王病篤上書求葬宋貴人冢旁遂薨年二十九

太后使掖庭丞送左姬

左姬名小娥安帝生母也

喪與王合葬使

司空持節弔祭車騎將軍鄧隲護喪事

詔舉隱逸選博士

尚書郎樊準

字幼陵南陽湖陽人

以儒學陵替乃上疏曰臣聞

人君不可以不學光武皇帝受命中興不遑啟處然猶投戈講藝息馬論道孝明皇帝庶政萬幾無不簡心而垂情古典游意經藝正坐自講諸儒並聽化自聖躬流及蠻荒今學者益少遠方尤甚博士倚席不講儒者競論浮麗宜博求幽隱寵進儒雅以俟聖上講習之期太后深納其言詔公卿中二千石各舉隱

士大儒務取高行以勸後進妙簡博士必得其人

孝安皇帝

丁未永初元年春正月蜀郡徼外羌內屬

徼外羌龍橋等六種慕義降附于是分犍為南部為

屬國都尉

時永昌徼外焦僥種夷及九真徼外夜郎蠻皆貢獻內屬

三月癸酉日食

夏四月封鄧騭及弟惲弘闡皆為列侯騭辭不受

先是騭兄弟常居禁中騭不欲久在內連求還第太

鄧騭于后族中
尚稱賢者然援

為大將軍本無大功王主以下
便望于道光震
鄰鄰又何為者
則此辭讓亦不
過矯情好名之
舉耳不可謂真
賢也

后乃許之至是封隲及諸弟皆為列侯隲辭讓不獲

遂逃避使者上疏自陳至于五六乃許之

弘性儉素治歐陽尚

書按帝禁中後卒有司奏贈驃騎將軍太
后追弘雅意不許但賜錢布隲辭不受

五月以魯恭為司徒

恭先罷至是
再為司徒

恭奏舊制立秋乃行薄刑自永元以來改用孟夏上

逆時氣下傷農業按月令孟夏斷薄刑者謂輕罪以

上不欲久繫故時斷之也孟夏之制可從此令其決

獄案考皆以立秋為斷恭又奏章帝定令斷獄皆以

冬至之前而小吏入十一月得死罪賊不問曲直便
即格殺雖有疑罪不復讞正可令大辟之科盡冬月
乃斷從之

六月封太后母陰氏為新野君

罷西域都護及伊吾盧柳中

注俱見前

屯田

先是西域諸國叛攻都護任尚于疏勒

尚上書求救會朝廷以梁

謹為西域副校尉即敕謹發兵赴之謹未至而尚已得解梁謹字伯威北地人

詔徵尚

還以段禧為都護保龜茲

禧先守它乾城梁謹以為不可固乃詭說龜茲王白

諸羌苦豪右徭役是安挿既已失宜至叛無器甲而郡縣方畏懦不前漢家之政可知矣欲不

霸而以兵擊破道路隔塞檄書不通公卿議者以為其衆遂保龜茲

西域阻遠數有背叛吏士屯田其費無已于是罷之

諸羌復叛詔將軍鄧騭校尉任尚討之

鄧騭任尚討羌范書安帝紀載

在永初元年六月西羌傳載在是冬通鑑從西羌傳考騭本傳云其夏涼州羌叛詔騭討之與帝紀同今依之

改輯于六月

初諸羌布在郡縣皆為吏民豪右所徭役積以愁怨會罷西域都護發羌數千騎迎之郡縣迫促發遣羣羌頗有散叛諸郡發兵邀遮或覆其廬落于是諸種

勸姐當煎大

愈驚同時奔潰

先是燒當東號子麻奴降居安定及是麻奴兄

弟與先零別種湊零及諸羌俱叛

鍾羌續漢書曰居隴西臨洮谷

大為寇掠斷隴道

隴抵

時羌歸附已久無復器甲或持竹竿木枝以代

戈矛或負板索以為楯或執銅鏡以象兵郡縣畏懦

不能制詔遣車騎將軍鄧騭征西校尉任尚將五營

北軍五

及諸郡兵討之

騭至漢陽諸郡兵未至明年春鍾羌數千人擊敗騭軍于

冀西會梁懼自西域還至敦煌逆詔懼留為諸軍援

懼至張掖破諸羌萬餘人羌大豪三百餘人詣懼降

並慰譬遣還故地

漢陽後漢郡治冀

今鞏昌府伏羌縣是冀西冀縣之西也

既為三公于宜
威擅權鉗口戀
職非不能殫理
而何然以災異
諉之則誠過舉
長統說猶未備

清河之立雖太
后之私然章為

秋九月以寇賊雨水策免太尉防司空勤

徐防尹勤

三公以災異免自此始

仲長統昌言曰光武愠數世之失權忽強臣之竊命矯枉

過直政不任下雖置三公事歸臺閣自此以來三公之職備員而已至于中世權移外戚寵被近習用其私人殘擾百姓使陰陽失和水旱為災此皆威官之臣所致然也反以策讓三公至于死免足為咈咈蒼天號咷泣血者矣
仲長統字公理山陽高平人建安時舉尚書郎著書十萬餘言名曰昌言

冬十一月司空周章

字次叔南陽隨人

自殺

章于九月代尹勤為司空

鄭眾蔡倫等皆乘勢豫政周章數進直言太后不能用初太后以平原王勝有痼疾而貪瑒帝孩抱養為

大臣爭之可也
爭之不從合外
廷共立平原王
可也無密謀誅
人及廢后之理其
心雖近忠其蹟
實為亂非人臣
正道劉友益謂
其死自取當矣

已子故立馬及殤帝崩羣臣以勝疾未瘳意咸歸之
太后以前不立勝恐後為怨乃迎帝而立之周章以
衆心不附密謀誅隔兄弟及衆倫等廢太后及帝而
立勝事覺自殺

劉友益書法周章不書謀逆蓋清河之立太后之私
章位在三公與其他謀廢立者異矣然后無大過隔
又近賢章不量時而出此
計其死自取之而已矣

地震大水大風雨雹

是歲郡國十八地震四十一大水二十八風雹

中戊二年春遣使稟貸冀充流民

御史中丞樊準上疏請減無事之物省官吏作者被

災之郡百姓凋殘恐非賑給所能勝贍可遣使持節

慰安尤困乏者徙置荆揚孰與熟同郡太后從之悉以

公田賦與貧民即擢準為光祿大夫使冀州遣議郎

呂倉使兖州稟貸流民咸為蘇息

夏五月旱太后親錄囚徒

太后幸雒陽寺官之所止曰寺及若盧獄屬少府主鞠將相大臣錄囚

母后專政日久
甚至親錄囚徒
成何國體史臣
乃以澍雨適降

師美一囚之平
及較之東海飛
霜附會更甚矣

徒雒陽有囚實不殺人而被考自誣羸困興見畏吏
不敢言將去舉頭若欲自訴太后呼還問狀具得枉
實即收雒陽令抵罪行未還宮澍雨大降

六月大水大風雨雹

京師及郡國凡四十

秋七月太白入北斗

冬任尚與先零羌滇零戰大敗詔遣謁者龐參

字仲達
緄氏人

督諸軍屯

鄧隲使任尚與滇零等戰于平襄

漢縣為隴西郡治故城在今甘肅華

昌府通渭縣

尚軍大敗羌衆遂大威朝廷不能制湟中衆

石萬錢死亡不可勝數而轉運難劇故左校令

官名掌工

工屬將作大臣

龐參先坐法輪作若盧使其子俊上書

曰萬里運

糧以就羌戎不若總兵養衆以待其疲鄧隲宜且振旅留任尚使督涼州士民轉居三輔休徭役以助其時止煩賦以益其財今男得耕種女得織紉然後蓄精銳乘懈沮出其不意攻其不備則邊民之讐報奔北之恥雪矣書奏會樊準上疏薦參太后即擢參于徙中

召拜謁者使西督三輔諸軍屯

滇零偁稱天子拈集諸雜羌斷隴道寇鈔

三輔南入益中殺漢中太守董炳梁惟受詔當屯金城聞賊寇三輔即引兵赴擊連破走之羌稍退散

徵鄧騭為大將軍

詔鄧騭還京師任尚留屯漢陽騭拜為大將軍既至使大鴻臚親迎中常侍郊勞王主以下候望于道寵靈顯赫光震都鄙

地震

郡國凡十二

己酉三年春正月帝冠

京師大饑民相食

兩漢皆如重經
乎然至三公衆
門徒實敢廣人
清流惡習浸淫
及至宋之洛蜀
明之東林幾復
真所云焦爛為
期蹈覆轍而不
悔者

司徒恭罷

恭再在公位選辟高第

胡三省注此胡公府掾屬

至列卿郡守而

門下耆生或不蒙舉薦有怨望者恭聞之曰學之不

講是吾憂也諸生不有鄉舉者乎

章懷注言自有鄉里之舉何待三公

之辟終無所言亦不借之議論

夏四月令吏民入錢穀拜爵有差

以國用不足從三公之請也

得為關內侯虎賁羽林郎五官大夫各有差

冬十月南匈奴反

通鑑係于六月今依范書帝紀

十二月地震

郡國凡九

有星孛于天苑

天苑十六星在昂畢南

雨水并涼大饑人相食

庚戌

四年春正月元會徽樂不陳充庭車

以年飢故不令陳列

遣御史中丞王宗青州刺史法雄

字文彊扶風郿人齊襄王法章之後秦滅

齊子孫不敢稱田姓故以法為氏後徙三輔

討海賊張伯路

先是海賊張伯路等寇濱海九郡

事在三年

遣侍御史龐

雄督州郡兵擊之伯路等乞降尋復屯聚黨衆浸盛

至是詔遣御史中丞王宗持節發幽冀諸郡兵合數萬人徵法雄為青州刺史并力討之宗雄與伯路連

戰破走之

會敵到賊以為軍解甲不敢降議者皆以為當遂擊之雄曰不然兵凶器戰危事勇

不可恃勝不可必賊若乘船入島攻之未易也及有敵令可且罷兵以慰誘其心勢必解散然後圖之可不戰而定也宗善其言即罷兵賊乃還所掠人而東萊郡兵獨未解甲賊復驚走海島上已乏食東掠明牟雄破斬之

詔以涼州牧守子弟為郎

龐參說鄧騭徙邊郡不能自存者入居三輔騭然之

欲棄涼州并力北邊乃會公卿集議隲曰譬若衣敗壞一以相補猶有所完若不如此將兩無所保郎中

虞詡

字升卿陳國武平人

言于太尉張禹

詡曰大將軍之策不可者三先帝開拓土

虞詡三不可實
焉邇至論古來
藉寇穢盜皆還
懦無識者姑息
釀成之

守劬勞後定今憚小費舉而棄之一也涼州既棄即以三輔為塞國林單外二也詡曰關西出將關東出相烈士武臣多出涼州士風壯猛便習兵事今羌胡所以不敢入據三輔為心腹之害者以涼州在後故也涼州士風所以推鋒執銳父死子戰無反顧之心者為臣屬于漢故也今割而棄之民庶安土重遷必引領而怨曰中國棄我于戎狄若卒然起謀因天下之饑敝驅民羌以為前鋒席卷而東則孟谷以西國林舊京非復漢有三也議者喻以補衣猶禹曰微子之有所完詡恐其疽食浸淫而無限極也禹曰微子之

言幾敗國事詡因說禹網羅涼上豪傑引其牧守子弟于朝外以勸厲答其功勤內以拘致防其邪計禹善其言乃更集四府皆從詡議于是辟西川豪傑為掾屬拜牧守長吏子弟為郎以慰安之

以虞詡為朝歌長討縣境郡盜平之

鄧騭以前議惡詡欲以法中之會朝歌賊數千人攻殺長吏屯聚連年州郡不能禁乃以詡為朝歌長

故舊

皆弔之詡笑曰事不避難臣之職也不遇盤根錯節無以別利器此乃吾立功之秋也始到謁

河內太守馬稜

扶風茂陵人
援之族孫

稜曰君儒者當謀謨廟

堂乃在朝歌甚為君憂之詔曰此賊犬羊相聚以求

溫飽耳願明府不以為憂

稜問其所以詔曰朝歌背
太行臨黃河去教倉不過

百里而青冀之民流亡萬數而賊不知開倉招眾劫
庫兵收成阜斷天下右臂此不足憂也今其眾新威
難與爭鋒兵不厭權願寬假
籌策勿令有所拘閼而已 詔到官設三科以募求

壯士自掾吏以下各舉所知攻擊者為上傷人偷盜

者次之不事家業者為下收得百餘人貫其罪使入

賊中誘令劫掠乃伏兵以待之殺數百人又潛遣貧

人能縫者傭作賊衣以絳線縫其裾有出市里者吏輒擒之賊由是駭散縣境皆平

三月南匈奴降

初漢人韓琮隨南單于入朝既還說南單于云關東水潦人民饑餓死盡可擊也單于信其言遂反詔以大司農何熙行車騎將軍事中郎將龐雄為副將五營及邊郡兵二萬餘人又詔遼東太守耿夔率鮮卑及諸郡兵共擊之以梁懂行度遼將軍事懂等屢破

匈奴兵連營稍前單于恐怖顧讓韓琮曰汝言漢人死盡今是何等人也乃遣使乞降許之

先零羌寇漢中太守鄭勤戰死

滇零遣兵寇褒中

注見前

漢中太守鄭勤欲擊之主簿

段崇諫不聽出戰大敗段崇與門下史王宗原展以身扞刃與勤俱死

地震

郡國凡九

夏蝗

司隸豫兗徐青冀六州

秋七月大水

凡三郡

九月地震

益州郡

太后母新野君卒

新野君病太后幸其第連日宿止三公上表固爭乃

還宮及薨使司空護喪事儀比東海恭王

郁離等乞身行服太

后欲不許曹大家勸后許之

辛亥五年春正月庚辰朔日食

地震

郡國凡十

羌寇河內三月詔徙緣邊郡縣遣侍御史任尚擊羌破之

羌寇河東至河內百姓多南奔渡河使北軍中侯

掌監

也騎越騎步兵
長水射聲五營

朱寵將五營士屯孟津

詔魏郡趙國
常山中山舊

作塢候六百
一十六所

羌既轉盛而緣邊二千石令長多內郡

人並無戰守意皆爭上徙郡縣以避寇難詔並從之

百姓不欲徙乃
至刈禾稼搬室

屋是較羌禍更

慘矣然其時安

帝未必知也為

人上者觀此而

隴西自狄道徙襄武安定自臨涇徙美陽北地自富
平徙池陽上郡自膚施徙治衙 臨涇漢縣今日鎮

原屬平涼府富平漢縣故城在寧夏府靈州今西安
府富平縣三國魏徙置衙即春秋彭衙漢于此置縣

餘注俱
見前

百姓戀土不樂去舊遂刈其禾稼發搬屋室

不思明目達聰
詰戎勤政可乎

夷營壘破積聚時連旱蝗饑荒而驅蹙剗掠流離分
散隨道死亡或棄捐老弱或為人僕妾喪其大半時

任尚坐無功徵免詔復以為侍御史擊羌于上黨年

頭山

在今潞安府
長子縣東南

破之乃罷孟津屯

漢陽賊杜季貢寇陷上邽

漢縣注
見前

漢陽人杜琦及弟季貢同郡王信等與羌通謀聚眾

據上邽城

琦自稱安漢將軍漢陽太守趙博遣客杜
習刺殺琦明年侍御史唐信討信斬之季

貢亡從滇零是歲滇零死于零昌立以季貢為將
軍季貢別據丁奚城丁奚城在今寧夏府靈州

時水旱盜賊頻
仍初不聞有修
省實政而區區
以薦新物種為
詔真不揣其本
者史官艷之陋
甚

蝗九州雨水郡國

子 六年春正月省薦新物二十三種

詔曰凡供薦新味多非其節或鬱養彊孰或穿掘萌
芽味無所至而夭折生長豈所以順時育物乎自今
皆須時乃上凡所省二十三種

三月蝗

凡十州

詔封建武功臣

夏五月旱

六月豫章員谿原山

章懷注闕崩

癸丑七年春正月太后率大臣命婦謁宗廟

二月地震

郡國十八

夏四月丙申晦日食

秋蝗

甲寅元初元年春二月日南地圻

長百八十二里廣五十六里

三月癸酉日食

夏旱蝗

京師及郡國五

六月河東地陷

卷二十三

羌豪號多掠漢中校尉侯霸與戰破之

羌豪號多與諸種鈔掠武都漢中巴郡板楯蠻

後漢書南

蠻傳高祖為漢王發夷人以定三秦復具渠帥七姓不輸租賦世號板楯蠻夷蓋挾板楯而戰因以為名

救之漢中五官掾程信率郡兵與蠻共擊破號多號

多走還斷隴道與零昌合侯霸馬賢與戰于枹罕大

破之

明年侯霸病卒龐參代為校尉以恩信招誘諸羌號多等帥衆降參始自張掖還治今居通河

道西

冬十月戊子朔日食

十一月地震

郡國凡十五

乙卯二年春零昌寇益州遣中郎將尹就討之

零昌種衆復分寇益州遣尹就將南陽兵並發益部諸郡屯兵擊零昌黨呂叔都等蜀人陳省羅橫應募刺殺叔都皆封侯賜錢

夏四月立貴人閭氏為皇后

后母鄭弘妻之同產也故得立

后性妬忌後宮李氏生皇子保后鴆殺李氏

五月旱蝗

京師及郡國凡十九

秋九月壬午晦日食

校尉班雄

起之子

等擊零昌大敗遣中郎將任尚屯三輔

詔班雄屯三輔司馬鈞督關中兵龐參將羌胡兵分

道並擊零昌參兵至勇士

後漢縣故城在今蘭州府金縣

東為杜季

貢所敗引退鈞等獨進攻拔丁奚城季貢率衆偽逃

鈞令右扶風仲光等收羌禾稼光等違鈞節度散兵

深入羌設伏要擊之光等兵敗並沒

鈞適還龐參既失期稱病引還

皆坐微下
獄約自殺

詔以中郎將任尚代班雄屯三輔

虞詡說尚曰兵

法弱不攻殭走不逐飛自然之勢也今虜皆馬騎日行數百里來如風雨去如絕絃以步追之勢不相及所以雖屯兵二十餘萬曠日而無功也為使君計莫如罷諸郡兵各令出錢數千二十人共市一馬以萬騎之衆逐數千之虜退尾掩截其道自窮便民利事大功立矣尚即上言用其計遣輕騎擊杜季貢于丁奚城破之明言度遠將軍鄧遵率南單于擊零昌于靈州任尚又遣兵擊羌于丁奚城並破之

以虞詡為武都太守擊羌破之

太后聞虞詡有將帥之略以為武都太守羌衆數千

遮詡于陳倉峭谷

胡三省注此峭谷即在陳倉大散關非弘農峭谷也

大散關在今鳳

爭無定法何況
共機使非神而
明之皆趙括之
謂父書耳

翔府寶縣
縣西南

詡即停車不進乃宣言上書請兵須到當

發羌聞之乃分鈔旁縣詡因其兵散日夜進道兼行

百餘里令吏士各作兩竈日增倍之羌不敢逼

或問詡曰

孫臏減竈而君增之兵法日行不過三十里以戒不虞而今日且二百里何也詡曰虜衆多吾兵少徐行則易為所及速進則彼所不測虜見吾竈日增必謂郡兵來迎衆多行速必憚退我孫臏見弱吾今示強勢有不既到郡兵不滿三千而羌衆萬餘攻圍赤亭同故也

在今甘肅階
州成縣西南

數十日詡設奇掩擊

詡令軍中強弩勿發而潛發小弩羌

以為矢力弱不能至并兵急攻詡于是使二十強弩共射一人發無不中羌大震退詡因出城奮擊多所

傷殺明日悉陳其兵衆今從東郭門出北郭門入賀
易衣服回轉數周莫不知其數更相恐動詎計賊當
退乃遣五百餘人于淺水連破之斬獲甚衆賊由是
散胡乃占相地勢築營壘百八十所招還流亡假
賑貧民開通水運始到郡殺石千並石八千見
戶萬三千視事三年米石八十並石四百
民增至四萬餘戶人足家給一郡遂安

冬十一月地震

郡國
凡十

而三年春地震

郡國
凡十

三月辛亥日食

夏四月京師旱

初聽大臣行三年喪

舊制公卿二千石刺史不得行三年喪司徒劉愷以
為非所以師表百姓宣美風俗乃詔聽大臣行三年
喪

地震

郡國凡九

丁巳四年春二月乙巳朔日食

武庫災

夏四月策免司空袁敞

字叔平安之子

敞自殺

敞廉勳不阿權貴失鄧氏旨尚書郎張俊有私書與

敞子怨家封上之敞坐策免自殺

俊等下獄當死俊上書自訟臨刑太

后詔以減死論

五月以李郃

字孟節漢中南鄭人

為司空

郃初為郡戶曹

時竇憲納妻郃國皆有禮慶漢中亦當遣吏郃謂太守曰竇將軍椒房之

親不修德禮而專權驕恣免亡可翹足而待願明府一心王室勿與交通太守固遣之郃不能止因請自行許之郃遂所在由遵行至扶風而憲敗

尋辟孝廉

凡交通者皆坐免官漢中太守獨不與
屢遷至太常及是代袁敞為司空數陳得失有大臣

飾

居位四年免廷
光未復為司徒

六月雨雹

凡三郡

秋七月雨水

郡國
凡十

任尚募羌殺零昌

先是任尚遣兵擊零昌殺其妻子又遣羌榆鬼等刺

殺杜季貢

詔封榆鬼
破羌侯

至是尚募効功種羌號封刺殺

零昌封號封為羌王尚復將兵與馬賢並進北地擊

狼莫

零昌
謀主

大破之于是西河虔人種羌萬人詣鄧遵

降隴右平

地震

郡國凡十三

戊午

五年春旱

京師及郡國凡五

秋八月丙申朔日食

鄧遵募羌殺狼莫封遵為武陽

鄧陽傳作犇陽

侯徵任尚棄市

徵馬坊而罪耿恭封鄧遵而戮任尚事同一轍何以任將

自羌叛十餘年間軍旅之費凡用二百四十餘億死者不可勝數并涼二州遂至虛耗及零昌狼莫死諸

羌瓦解三輔益州無復寇警詔封鄧遵為武陽侯遵

以太后從弟故爵封優大任尚與遵爭功檻車徵棄

市

地震

郡國凡十四

己未六年春二月地震

京師及郡國凡四十二

夏四月大風雨雹

沛國潞濟

五月京師旱

冬十二月戊午朔日食既

地震

郡國凡八

益州夷降

初越雋夷封離等反永昌益州蜀郡夷皆叛應封離
衆至十餘萬破壞二十餘縣殺長吏焚掠百姓益州
刺史張喬遣從事楊竦將兵進擊大破之封離等乞
降竦厚加慰納其餘三十六種皆來降附竦因奏長
吏姦猾侵犯蠻夷者九十人皆減死論

庚申永寧元年春三月北匈奴車師後王共殺漢吏詔復
置都護屯兵

初西域諸國既絕于漢北匈奴復以兵威役屬之與

共為邊寇敦煌太守曹宗患之乃上遣行長史

上謂上奏

遣行長史之事也

索班將千餘人屯伊吾以招撫之于是車

師前王及鄯善王復來降至是北匈奴率車師後王

軍就共殺索班擊走前王畧有北道曹宗請出兵擊

匈奴以報之因復取西域公卿多以為宜閉玉門關

太后聞軍司馬班勇

字宜僚起之子

有父風名問之

勇上議曰昔孝

班勇所議乃策起留也疏勸遺策然其虛耗特甚勇說本難盡

武皇帝開通西域論者以為奪匈奴府藏斷其右臂光武中興未遑外事故匈奴驅率諸國河西城門盡

行雖後屯田柳
中復通西域為
不出勇所料然
河西被害實亦
有所由也

開孝明皇帝深維廟策命將出征然後勾奴遠遁邊
境得安間者先亂西域復絕北虜遂遣責諸國備其
逋租高其價恒嚴以期會鄧善車師皆懷憤怨思樂
事漢其路無從然今營宗徒欲報雪匈奴而不尋出
兵故事要功荒外萬無一成兵連禍結悔無所及况
今府庫未充師無後繼臣愚以為不可許也宜于敦
煌復置營兵三百人及戰西域副校尉遣長史將五
百人屯樓蘭西當焉耆龜茲徑路南疆鄯善于冥心
膽北扞匈奴東近敦煌既為胡虜節度又禁漢人侵
擾如此誠便公卿難曰前所以棄西域者以其無益
而難供也今欲通之班將能保北虜不為邊害乎勇
對曰今置州牧以禁盜賊若州牧能保盜賊不起者
臣亦願以腰斬保匈奴之不為邊害也今通西域則
虜勢必弱為害微矣孰與歸其府藏續其斷臂哉若
棄而不立則西域望絕屈就北虜恐河西城門必將
復有晝閉之微矣今不乖開朝廷之德而拘屯戍之

貴豈安邊久長之策哉難者又曰西域遣使求索無厭一旦為匈奴所迫當復求救則為役大矣勇曰設以西域歸匈奴而使其恩德大渙不為鈔盜則可矣如其不然則是富仇讐之財增暴夷之勢且西域來者不過粟食今若拒絕勢歸北虜夾虜并力以寇并涼則中國之費不止十億置之誠便于是從勇議復營兵置副校尉居敦煌雖以羈縻西域然亦未能出屯其後匈奴果數與車師入寇西河大被其害

夏四月立太子保為皇太子

秋七月乙酉朔日食

大水

郡國凡三十

冬十二月以楊震

字伯起弘農華陰人

為司徒

震孤貧好學通達博覽諸儒為之語曰關西孔子楊

伯起教授二十餘年不答州郡禮命衆人謂之晚暮

而震志愈篤

有冠雀銜三鱧魚飛集講堂前都講取魚進曰蛇鱧者卿大夫服之象也數三

者法三台也先生自此升矣

鄧騭聞其賢而辟之時震年已五十

餘累遷荊州刺史東萊太守當之郡道經昌邑故所

舉荊州茂才王密為令夜懷金遺震震曰故人知君

君不知故人何也密曰暮夜無知者震曰天知地知我知子知何謂無知者密愧而出已徵入為太常至是

代劉愷為司徒

震性公廉子孫長疏食步行故舊或欲令為開產業震曰使後世稱為清

白吏子孫以此道之不亦厚乎

地震

郡國凡三十三

免越騎校尉鄧康官遣就國

康始封侯

太后從兄康以太后久臨朝政宗門盛滿數上書諫言甚切至太后不從康謝病不朝太后使內侍者問

之

時宮婢出入其者宿者皆稱中大人所使乃還白康家先婢亦目道中大人康恕詎之婢恚怒

康詐疾而言不遜太后大怒免康官還歸國絕屬籍

辛酉

建光元年春三月皇太后鄧氏崩

諡和熹合葬慎陵

封鄧騭

為上蔡侯

太后自臨朝以來水旱十載四夷外侵盜賊內起每

聞民饑或達旦不寐躬自減撤以救災厄故天下復

平歲仍豐穰

太后嘗徵濟北河間王子男女五歲以上四十餘人及鄧氏近親子孫三十餘

人為閒邸第教以經書躬自監試詔從兄豹康等曰末世貴戚食祿之家溫衣美食乘堅驅良而面墻弗

無毀無譽婦人之道躬自減撤以救災厄良女后之事耶且前

稱太后以鄧康
數諫宗門滿威
大怒免官此又
稱太后詔康等
以貴戚食祿面
牆弗學為戒記
戴家自相矛盾
至此何以傳信

學不識臧否斯故禍敗所從來也然帝已年長久不
遂政郎中杜根嘗上書言之太后大怒威以錄囊撲
殺之載出城外得蘇逃竄為宜城山中酒家保積十
五年平原成翊世亦坐諫太后不歸政抵罪至是高
書陳忠薦之帝拜根侍御史翊世尚書郎杜根字
伯堅潁川定陵人成翊世字季明平原郡吏陳忠字
伯始寵之子宜城漢
縣今屬湖北襄陽府

追尊清河孝王曰孝德皇妣曰孝德后祖妣宋貴人曰
敬隱后

初長樂太僕蔡倫受竇后諷旨誣陷宋貴人帝敕使
自致廷尉倫飲藥死

高句麗鮮卑寇遼東太守蔡諷戰歿

功曹掾龍端兵馬掾公孫酺以身扞諷俱歿于陳

尊母耿姬為甘陵

後漢縣為清河孝王陵邑晉以後廢故城在今直隸廣平府清河縣

大

貴人

詔舉有道之士

尚書陳忠以詔書既開諫爭慮言事者必多激切致

不能容乃上疏豫廣帝意

累曰臣聞仁君廣山藪之度納切直之謀忠臣盡蹇

諤之節不畏逆耳之害今明詔引咎克躬諮訪羣吏言者見杜根成翊世等新蒙表錄顯列二臺必承風

響應爭為切直嘉謨異策宜輒納用如其管穴妄有
譏刺雖若口逆耳不得事實且優游寬容以示聖朝
無諱之美管穴謂言事者
所見不遠大而言或妄誕也
書御進也
有詔拜有道

高第士沛國施延

字君子
斷人

為侍中

以薛包

字孟嘗
汝南人

為侍中不拜

初汝南薛包少有至行

父喪後事而憎包分出之包
日夜號泣不忍去至被毆撲

不得已廬于外旦入灑掃

父怒又逐之乃廬于里門

昏晨不廢積歲餘父母怒而還之及父母亡弟子求

分財異居已不能止乃中分其財收婢引其老者曰

廬取其荒頓者器物取其朽敗者弟子數破其產輒

復眠

帝聞其名令公車特徵至拜侍中包以死自乞

有詔賜告歸加禮如毛義

徙封鄧騭為羅

漢縣故城在今湖南長沙府湘陰縣

侯遣就國騭自殺貶

平原王翼為都鄉侯

帝少號聰明故鄧太后立之及長多不德稍不可太

后意

太后徵濟北河間王子詣京師以河間王子翼為平原懷王勝後留京師帝乳母王聖慮有廢

置常與中黃門李閭江京侯伺左右共毀短太后帝每怒懼

及太后崩宮人有誣

告太后兄弟悝弘閭謀立平原王帝怒令有司奏悝

等大逆無道遂廢其子西平侯廣宗等為庶人騭以

不與謀徒封羅侯遣就國宗族免官歸故郡沒入貲
產廣宗等皆自殺騰與子鳳皆不食而死徵鄧康為
太僕貶平原翼為都鄉侯遣歸河間翼謝絕賓客閉

門自守由是得免

初鄧封之立也三公欲共奏追封
后父訓司空陳寵以無故事不從

故寵子忠不得志于鄧氏數上疏陷成其惡大司農
朱寵痛騰無罪乃肉袒與櫬上疏言和熹皇后聖善
之德為漢文母兄弟忠孝同心憂國功成身退讓國
遜位歷世外戚無與為比而利口傾陷反亂國家遂
令騰等罹此酷濫逆天感人率土喪氣宜收還家次
寵樹遺孤奉承血祀以謝亡靈因自致廷尉忠復劾
寵免官衆庶多為騰稱枉者帝意頗悟乃還葬騰
等從昆弟皆得歸京師
朱寵字仲威杜陵人

以耿寶

耿貴人兄

監羽林車騎封宋楊

宋貴人父

四子及宦者江

京李閏皆為列侯

帝以耿貴人兄寶監羽林車騎宋氏封侯為卿校侍

中者十餘人閭氏兄弟顯景耀並典禁兵江京李閏

皆封列侯與中常侍樊豐劉安陳達及乳母王聖聖

女伯榮扇動內外競為侈虐出入宮掖傳通姦賂司

徒楊震上疏曰臣聞政以得賢為本治以去穢為務

方今九德未事嬖倖充庭王聖微賤奉養聖躬雖有

推燥居濕之勤前後賞惠過報勞苦而外交屬託損
辱清朝宜速出阿母令居外舍斷絕伯榮莫使往來
令恩德兩隆上下俱美奏御帝以示聖等內倖皆懷

忿恚

伯榮驕淫尤甚通于故朝陽侯劉護從兄球球

制父死子繼兄亡弟及以防篡也故朝陽侯劉護同
產弟威今猶見在而以其再從球球襲爵為侯且天
子專封封有功諸侯爵爵有德球無他功行但以
配阿母女既位侍中又至封侯不稍倍制不合經義
陛下宜鑒既往順帝之則尚書翟酺上疏曰昔竇鄧
之寵傾動四方兼官重祿盈金積貨及其破壞頭顱
墮地願為孤豚豈可得哉夫致貴無漸失必暴受爵
非道殃必疾今外戚寵幸未有等比祿去公室政移

私門覆車重尋寧無摧折昔文帝躬行節儉有識之
者帝曰朕為天下守財耳豈得妄用之哉今欽天下
之財積無功之家帶藏單盡民物彫傷卒有不虞危
亂可待願陛下勉求忠貞誅遠佞諂割情欲罷私宴
心存亡國所以失之鑒觀興王所以得之庶災害可
息豐年可招矣書奏皆不省翟璜字子超廣漢雒人
秋八月燒當羌麻奴入寇馬賢追擊破之

燒當羌忍良等以麻奴兄弟本燒當世嫡而校尉馬
賢撫卹不至常有怨心遂寇湟中攻金城諸縣賢將
先零種擊之不利麻奴等又敗武威張掖郡兵于令
居因寇武威賢追到鸞鳥

後漢縣故城在今甘肅涼州府武威縣

招之

諸衆降者數千麻奴南還湟中

明年覽至湟中麻奴出塞渡河種衆散遁

麻奴等孤弱饑困將種衆三千餘戶請漢陽太守耿种降

以劉愷為太尉

居延都尉范邠犯賊罪吏議欲增錮二世

章懷注捐父子俱禁錮

劉愷以為春秋之意善善及子孫惡惡止其身所以進人于善也以輕從重懼及罪人非先王祥刑之意

詔從之

鮮卑寇居庸關

在今順天府昌平州淮南子天下九塞之一

殺雲中太守

鮮卑寇居庸關雲中太守成嚴擊之兵敗功曹楊穆以身

捍嚴與俱戰歿

鮮卑既攻殺郡守膽氣轉盛控弦救萬騎明年復寇雁門定襄遂攻太原

掠殺百姓

帝幸衛尉馮石府留飲十日

賞賜甚厚拜其子世為黃門侍郎世弟二人皆為郎

中

石陽邑侯鮪之孫父柱尚顯宗女獲嘉公主石襲爵為獲嘉侯能取悅當世故為帝所寵

雨水

郡國凡二十七

冬十一月地震

郡國凡三十五

復斷大臣行三年喪

尚書令殺

丁外反姓也

諷等奏孝文定約禮之制光武絕

告寧

李斐曰休謁之名

之典貽則萬世誠不可改宜

復太監

三年喪從之

尚書陳忠上疏曰高祖創制大臣有寧告之科建武之初

政趨簡易

禮義之方實為彫損孟子曰老吾老以及

人老幼吾幼以及人之幼天下可運于掌臣欲

望吾幼以及人之幼天下可運于掌臣欲

海內咸得其所時宦官不便之竟寢忠奏

御批歷代通鑑輯覽卷二十三